



KRK-INUA-mut suliniutinut ataqatigiissarisooq

Suliniutimmi 2028-p qiteqqunnerata tungaanut atorfinitsitsineq · sivitsorneqarsinnaasoq

Inuusuttunut pitsaasumik allannguinnissamik kajumissuseqarpit? Attaveqatigiinnermut aamma suliniutinik suliaqarnermut pikkoriffeqarpit, aammalu aaqqissuussinermut, ingerlatanik ingerlatsinermut isumassarsiallu piviusunngortinneqarnissaannut isumassarsiorsinnaavit?

Taava immaqa KRK-INUA-mi suliniutinut ataqatigiissarisutut illit ujartugaraatsigit.

KRK-INUA pillugu

KRK-INUA Kalaallit Røde Korsiaata inuusuttunut immikkoortortaqafigaa. Kalaallit Nunaanni inuusuttunut ataatsimoornermik nukittuunik, atugarissaarnermik aamma periarfissanik pitsaanerusunik inuusuttunut sullissivugut suleqateqarlutalu.

Inuusuttunut 18-it aamma 35-t akornanni ukiulinnut akeqanngitsumik tarnikkut ikiueqqaarnermik suliaqartarpugut kiisalu suliniutit Life Skills aamma SPRINT suliarisarpagut.

Suliniutinut ataqatigiissarisumik, suliniutitsinnik ingerlareersunik ingerlatsisussamik aammalu KRK-INUA-ta siunissami suliaqarnissaanut ineriartortitsinermut tapertaasinnaasumik ujaasivugut.

Atorfik pillugu

Suliniutinut ataqatigiissarisutut tamatigoortumik atorfeqassaait, suliniutinut ataqatigiissarinermut, attaveqatigiinnermut, inuusuttunik peqataatitsinermut aamma sammisassat ingerlanneqarnerinut akisussaaffeqarlutit.

Ilaatigut suliarissavatit:

- suliniutit aamma sammisat ataqatigiissarlugit aamma malitseqartillugit
- inuusuttunut tarnikkut ikiueqqaarnermut suliniut ingerlallugu
- aaqqissuussinernik, pikkorissaanernik aamma workshopinik pilersaarusiorneq aamma ingerlatsineq
- inuusuttunik, kajumissutsimik suliaqartunik, suleqatinik aamma avataanit suleqatigisanik suleqateqarneq
- attaveqatigiinnermik, inuit attaveqatigiittarfiinik aamma nittarsaassinermik suliaqarneq
- suliniutinut aamma sammisanik nutaanik ineriartortitsinermut tapertaaneq
- missingersuusiorneq aamma aningaasaqarnermik malitseqartitsineq
- qinnuteqaatinut, uppersaatinut aamma nalunaarusiornermut tapertaaneq

atorfimmuut atatillugu angalasarnissaq naatsorsuutigineqassaaq

Illit ujartorpatsigit

- inuusuttunut tunngasunik suliaqarusuttoq aamma inuusuttut isumaannik paasinnissinnaasoq
- tarnikkut peqqissuunissamik aamma inuusuttut atugaannik soqutiginnittoq



- NGO-ni imaluunniit inuiaqatigiinni sulineramik paasisimasaqartoq imaluunniit misilittagaqartoq, kiisalu allannguissamut piareersimasooq
- attaveqatigiinnermut pikkorrisooq aammalu piumassuseqalersitsisunik imarisanik pilersitsisinnaasooq
- inuit attaveqatigiittarfiinik aammalu nittarsaassineramik misilittagaqartoq
- attaveqarnermik pilersitsinermut aamma inunnik assigiinngitsunik suleqateqarnermut pikkorrisooq
- aningaasaqarnermut tunngasunik paasisimasalik aammalu missingersuutunik pilersaarusiornermut aamma aningaasaqarnikkut malitseqartitsineramik misilittagaqartoq

Inuusuttunut, kajumissutsimik suliaqartunut imaluunniit inuiaqatigiinnik sullissisuni misilittagaqaruit iluaqutaassaaq.

Piginnaasat qulaani taakkartorneqartut tamakkerlugit pigisariaqanngilatit, suliaasat suleqatigiilluta kivittarpagut.

Piumassuseqarneq, alapernaatsuuneq aammalu ilinniarusunneq pingaartippagut.

Aaqqissuussineq aamma tamakkiisumik paasisaqarsinnaaneq nutaaliorsinnaaneq aammalu attaveqarnermut piginnaasat pitsaasut ataatsimoortissinnaagitit.

Neqeroorutigaagut

- Suliniutinut isumalinnut atorfik inuusuttunik aamma tarnikkut peqqissuunissamik qitiutitsisoq.
- Sapaatip akunneranut akunnerit 35-t suliffiusut
- Suliniutinik soqutiginartunik aamma maanna ingerlasunik suliaqarnissamut periarfissaq
- Ulluinnaat tamatigoortut akisussaaffeqarfiusut aamma namminersornissamut periarfissaq
- Suliniutinik aqutsinermut, attaveqatigiinnermut aamma NGO-ni sulinermut piginnaasat ineriartortinnissaannut periarfissaq
- Suleqatit, inuusuttut aamma kajumissutsimik suliaqartut piumassuseqartut qanimut suleqatiginissaat
- Angalanerit aamma Kalaallit Nunaanni sumiiffinni assigiinngitsuni inuusuttunik suleqateqarnerit
- Suliffik isumassarsianik, iliuuseqarnermik aamma piumassuseqarnermik pingaartitsisoq.

Paasissutissat

Atorfininnissaq: Suliniummi 2028-p qiteqqunnerata tungaanut sivitsorneqarsinnaasumik atorfinitsitsineq

Piffissaq suliffiusooq: Sapaatip akunneranut akunnerit 35-t

Atorfininnerup aallartiffissaa: 1. november 2026 imaluunniit isumaqatigiissuteqarnikkut siusinnerusukkut

Qinnuteqarnissamut killiliussaq: 18. september 2026

Atorfik pillugu apequtissaqaruit allattoqarfimmi pisortaq **Betina L. Petersen** uunga krk@krk.gl imaluunniit tlf: +299 53 18 00 attaveqarfiginissaanut tikilluaqqusaavutit.



Qinnuteqaat uunga nassiunneqassaaq krk@krk.gl kingusinnerpaamik 18. september 2026.

Tusarfiginissat qilanaaraarput!